



**Jacobi Alvarez de Paz Opera**

De Exterminatione Mali, Et Promotioне boni - Libri quinque

**Álvarez de Paz, Jacobo**

**Lvgdvni, 1613**

De mediis ad assequendam Paupertatem. Cap. 14.

---

[urn:nbn:de:hbz:466:1-77843](#)

licet colligere, possidet ille thesaurum in cœlo, quem proceres huius saeculi magnos terræ thesauros possidentes ita suspiciunt. Index est ipse ex his qui cum Christo iudicaturi sunt mundum, quem in extremo die iudices, & potentes mundi, gratum habere procurant. Centuplum datum est illi in patria celesti, cuius sacram despiciem tam frequens populus non ab alio (vt creditur) quam à Deo motus ita veneratur, & colit. Centuplum quoque nobis videntibus in hoc mundo recepit, qui quod reges & imperatores vix obtinent, vt principum, & episcoporum humeris ad sepulchrum deferantur, solo Deo corda prædicatorū & clarissimorum virorum tangentē; & nulla humana persuasione interueniente consecutus est. Sed iam in fine huius historiae tum saeculares, tum religiosos alloquamur, vt ea aliquem frumentum decerpant. Illi Hieronymum audient, vitam cuiusdam pauperis euangelici, nemp̄ Pauli eremita, ita laudantem: *Libet in fine opusculi eos interrogare qui sua patrimonia ignorant, qui domos marmoribus vestiunt, qui uno filo villarum insunt praedita, huic seni nudo quid vñquam defuit? Vos gemma bibitis, ille natura concauis manibus satisfecit. Vos in tunicis aurum texitis, ille ne vilissimum quidem indumentum habuit mancipij vestri. Sed è contrario illi quidem pauperculo paradisi paret, vos auratos ge henna fulciet, ille vestem Christi, nudus licet, tamen seruauit, vos vestiti sericis, indumentum Christi perdidisti. Franciscus hic vilissimo puluere cooperitus iacet resurrecturus in gloriam: vos operosa laxi sepulera premunt cū vestris opibus astros. Parcite, quæso, vobis parcite: fatem diuitias quas amat. Cur & mortuos vestros auratis obuoluit vestibus? Cur ambitio inter luctus lacrymāq; nō cessat? An cadavera diuitiæ, nīsi in fetico putreficeret nesciunt?* Religiōsū vero, qui vt spirituales viri ab alio moneti non indigent, se ipsos moneant, & præmia sibi parata animaduertant. Hæc merces tam ampla, tamque magnifica, quæ ex sancta morte huius fratris eluet, non statu nudo, sed statu religioso operibus sanctis commendato, promissa est. Si eam appetunt, si ad eam peruenire gesint, contemptū lasculi, humilitatē, spiritū orationis, obedientiā, animarum zelū, paupertatē, & erga D̄um charitatem imitantur. Statum perfectionis habent, & ad perfectionem non proferat, non præmium, sed p̄enam meretur. Humilitatem, & paupertatem, & elongationem à seculo profiteri, & ex alia parte primas sedes ac dignitates ambire, indigentiam & penuriam, vt peltē auferari, & in res saeculares incumbere, non laudem sed vituperationem, & infamiam expectat. Merces vitam mercede dignam exigit; præmium, conuersationem sanctam qua merceditur apta, requirit. Relinquamus ergo corde iam seculum, quod statu reliquimus; paupertatis experientia, scilicet nuditatem & penitum rerum, amemus. Obedientiam & humilitatem, & reliquias virtutes queramus, vt quod cupimus obtineamus, & triplici præmio pauperum coronemur.

### De Mediis ad assequendam Paupertatem.

#### CAPUT XIV.

**N**on religiosus, & sua salutis audius, qui hac, quæ diximus, secum meditatus est, desiderium ingens (vt opinor) paupertatis seruanda concepit, & si in ea ha-ctenus minus circumspetè se gesit, sanctum pudorem sua negligenter & tepiditatem acquisivit. Optat iam ipse ad mentem redire, & pro amore Dei, ac pro tam ineffabili præmio sibi pro-

A posito yorum à se emissum grauiter obseruare. Cooperemur ergo desiderii eius, & aliqua media illi ponamus, quibus ipse cooperabitur gratia Dei, & ad paupertatem habendam iuuabitur.

Sed ergo vis & religiose vir in te spiritum paupertatis promouere, rebus tibi ad vñsum concessis nequam ut propriis viratis. Ille viritur rebus ac si essent propria, ac si dominium earum haberet, qui nimio affectu illas cupit, & possidet, qui eas à prelato non ut per modum elemosynæ datas, sed ut debitas accipit; qui ipsas sine obtenta facultate dat alteri, aut commoda licet sint exigua: qui tandem sine vñla cura conuersationis & diuturnitatis vestium, & librorum, & similium, in vñsum assuumit. Hunc itaque vñsum hominis proprietarij cauebis, si res tibi ad vñsum administratas, affectu gratitudinis & humilitatis, ut pauperem decet, de manu prelati & ministrorum acceperis, si absque facultate superioris, nemini dederis, nec commodaaueris; si curiosè & diligenter eas ne insumantur, quantum fieri possit, aut deterantur, seruaueris. Sed illud præcipuum est, ne huiusmodi res nimio erga eas affectu possideantur, sed cum quadam sancta libertate, & quasi cum contemptu ipsarum nostris vñibus applicentur. Idque monuit Paulus dicens: *Fratres, tempus breve est, reliquum est ut qui habent vxores, tamquam non habentes sint, & qui flent, tamquam non flentes, & qui gaudent, tamquam non gaudentes, & qui emunt, tamquam non possidentes, & qui vñtuntur hoc mundo, tamquam non vñtuntur.* Nihil enim est uti hoc mundo, as si eo non vñcremur, nīsi res ipsius sine immoderato amore, & sine affectu minus ordinato præsumere. Quem sensum indicavit Augustinus ad Bonifacium scribens: *Ipse, inquit, Dominus te exaudiet, ut interiores & innibilites hostes, id est, ipsas cupiditates innibiliter, & spiritualiter, vincas, & sic viratis hoc mundo tamquam non vñtis, ut ex bonis eius bona facias, non malus fias.* Profectò in rebus paupertatis (vtiam monimus) non tam rerum vñus, quām affectus erga res confidérādus est, illęq; est paupertate perfectior, qui quamvis pluribus vñtatis, ad illas tamen minus afficitur. Quod ex gesit magni doctoris Ecclesiæ Gregorij potest agnoscī, cuius liberalitatem quidam monachus, cleemofynaque cognoscens, & suam paupertatem sancti Pontificis misericordia preferens, sc̄que ad eundem cum illo gradum gloria peruenturū, ingemisens, voce diuina est vehementer increpitus, dicente sibi: *Quando diuitem non possessio facit diuitiarum, sed cupido, cur aedes paupertatem tuam Gregorij diuitiis comparare? qui magis illam cattam, quam habes, quotidie palpando, nullique conferendo, diligere comprobaris, quam ille, qui tantas diuitias non amo, sed contemndo, cunctisque liberaliter largiendo, dispergit?* Simile exemplum de sancto Balilio narratur, & in vñre que perficitur, Euangelicam paupertatem non tam in opere quam in affectu, & rerum temporalium contemptu, confistere. Ita ergo res huius lasculi habentur, sicut statua quadam, quæ si ab aliquo vestibus operiarur, vestes non amat; nec etiam sensum misericordia concepit, si vestibus spolietur. Sic perfecti pauperes res accipiunt ad vñsum, quia aliter fieri non potest, tam sine affectu, & adhæsione ad illas, ac si non acciperent, & rebus carent, & indigentiam sustinent, ac si rebus non indigerent.

Si ad aliquam rem immoderatè affici senseris, vt ad cellam, ad mensam, ad librum, aut aliiquid huiusmodi, cura te ipsum vincere, & illud (si fieri possit) omnino relinquere, aut si non possit, quia pe-

1. Cor. 7.  
29.30.31

Aug. epist.  
ad Bonif.

Ioan. dia-  
con. lib. 2.  
vita Gre-  
gor. c. 60.

nitus necessarium est, pro alio simili, accepta à prelato facultate, commutare. Sic enim & vltius manet, & affectus immoderatus discedit, & animus magnam libertatem & puritatem acquirit. Beatus fane Dorotheus vita spiritualis magister egregius, sic sanctissimum iuuenem Dositheum discipulum in spiritu paupertatis exercuit. Nam cùm is ad gladiolum quendam sentiret se affici, idque magistro paterfaceret, præcepit Dorotheus illi ne vnguam gladiolum illum vel manu contingeret. Sic etiam religiosi comortantes in monasterio Beati Gregorij, priusquam esset Pontifex, paupertatis spiritui contuluerunt, de quibus post enarratum illum euentum iusti monachi proprietarij, quem supra retulimus, hæc sanctus Doctor scribit: Sed fratres omnes ex eadem eius sententia conturbati ceperunt singuli extrema quaque, & vilia, & quæ eis habere regulariter semper licuerat, ad medium proferre, vehementerque formidat, ne quid apud eos esset, vnde reprehendi potuissent. Idem tandem documentum ex dictis Domini facile possumus cllicere, dicentes: Si autem manus tua vel pes tuus scandalizat te, abscede eum & proice abs te.] Nomine enim manus, & pedis, vt Chrysostomus, & Beda, & reliqui doctores interpretantur, amici aut cognati intelligendi sunt: quos, si nobis sint offendicula, debemus abscire. Si autem hi à nobis separandi sunt, quando nocumentum animæ inferunt, licet sint vitæ nostra per necessarij, quanto magis minutæ istæ, quarum nobis concessus est vltius, penitus abscondenda, si non moderatæ affectum ad se trahant, & munditiem nostram incitant?

*Greg. 4.  
morc. 55.*

*Mot. 18.  
8.*

*Aug. lib.  
de vera  
relig. cap.  
47.*

Superior etiam, si mos religiosæ familiæ ferat, debet huic religiosorum desiderio fovere; & res ad vsum illis concessas interdum permute, tum vt nimium in se ipsis erga eas affectum deprehendant, tum vt paupertatem, quam profiteantur, & diligunt, actione dican, & res non vt proprias sed vt commodatas retineant. Optimè dixit Augustinus: Plerumque aliqua, cum adiungit nobis, putamus quod non ea diligamus, sed cum abesse cœperint, inuenimus qui simus. Hoc enim fine amore nostro aderat, quod sine dolore discedit. Videatur ergo vincere cum vincatur, qui superando ad id peruererit, quod cum dolore amissurus estis vincit, cum vinci videatur, quisquis cedendo ad id peruerit, quod non amittit inuitus. Quem ergo deleat libertas, ab amore mutabilium rerum liber esse appetat, & quem regnare deleat, vni omnium regnatori Deo subditus habeat. ] Hæc cùm ita sint, meritò prelati de suorum profectu solliciti, debent nonnumquam lis concessa tollere, interdum pro aliis commutare, vt ipsi sic probati, affectus suos calleant, & quantum in contemptu rerum visibilium profecerint, deprehendant. Ita etiam Dorotheus discipulus Dosithei profectibus consulebat. Neque enim semel tunica, aut habitum ad vsum illi dedit; quem cùm ipse, qui mundissimus erat, lanisset, & confusus, iterum abstulit ad vsum alterius fratris, & pro alio horrido & upto commutauit: quod sanctus discipulus non solum sapientissime, sed latissimè tulit. Beatus Pater noster Ignatius spiritum paupertatis in nobis diligentissime promovit, & nunc vñque sua intercesione conferat. Licet enim collegii nostri, quæ velut seminaria sunt domorum professorum, nihil etiam in communione possidentium, bona in communione aliarum multarum religionum more graves ob causas habere permerit; tamen priuatum ad magnam paupertatem, & vix quibusdam, qui à longè societatem aspiciunt, credibile nos adegit.

Apud nos namque arcam in cella habere, aut cellam clauē obseratam, aut aliud in ea quām lectum & sellam & mensam, & candelabrum, & paucos libros, quasi crimen est. Hæc autem vilia, & penitus necessaria, iubente prelato, saepe adolescentiores demutant, vt nulli rei immoderantia affectus adhærent. Ex una cella in aliam solum ob hanc caussam transiunt: si in illa libri sunt similes suis quibus indigent, vt Aristoteles, & summa Diuti Thomæ, & alij huiusmodi, eos ibi relinquunt, & alios alij cellæ deputatos accipiunt, mensam, & sellam, & lectulum lignum secum non transferunt, & alia similia deferrunt, & quæ alibi erant, ad suum vsum accommodant. Et sicut Laban, malo aut auaro animo, mutant, vt est in libro Geneleos, mercedem generi sue Iacob, decē vicibusita & pratali nostri, nō malo sed prudenti consilio, mutant res filiorum suorum vñibus applicatas, multis vicibus, vt eos paupertatis admonent, & vñ huius sanctæ virtutis exercent. Quin & ego adolescentulus vidi in Collegio nostra Complutensi, post peractum vnum cursum Theologie, manuscripta illius anni à magistris dictata prelati iussu inter condiscipulos commutari, vt etiam in hac re tam propria, vt videtur, nihil proprietas adhæreficeret. Hæc scribimus, non vt nostra iactemus, in quo certè hucusque ad nimicatem nobis consulto pepercimus, & deinceps etiam parceremus, sed vt adolescentibus nostris ad futura tempora paupertatis antecelsorum suorum memoriam relinquamus. Ita enim nunc apud nos communia sunt, & nulli (vt credo) Provinciæ societatis non pertinet: at quis nouit si in futurum successores nostri aliquantulum in studio paupertatis intepescerent, & tunc horum forsitan meminisse iuvabit?

In omnibus ita te geras, vt pauperē decet, & paupertatem, quam colis, in vñserum exterioram ostende. Comede, vt pauperes solēt, cibos cōmunes & viles, bibe vinum (li propter corporis imbecillitatem sit necessarij) modicum, & bene lymphatum, & in vsum communitatæ totius emptum; in cella, ea solum sine quibus commodè viuire non possis, habeas; vestes detritis, viliores, & commissura notata, & breues diligas, & tandem omnia tua paupertatem redoleant, & te pauperem patefaciant. Quales vestes religiosi induere debeant, Basilius grauissima hac oratione monstrauit. Cūm autem Apostolus dicat: Non alta sapientes, sed humilibus cōsentientes, exquirat se ipsum quisquis vñsne magis a similē esse Christiano homini conueniat, si ne, qui habitant in aulis regum, & molibus vñstuntur, in nuncio, & praconi aduentus Domini, quo in natis mulierum nullus surrexit maior? De Ioanne loquitur, filio Zacharia, cuius vestimentū ex levis camelorum erat. Quin & veteres sancti illi viti circuibant in melitos & pellibus caprini. Porro ad quem finem vñs ī dirigi debeat, docuit nos Apostolus vñco verbo, cùm dixit: Habentes vñcum integrumque, his contenti simus: quippe tamquam solo nobis integrumento sit opus, neque iam amplius propter varietatem, cāmque, quæ ex illa complequntur, exquisitam elegantiam, in damnatum luxurie vitium (ne quid dicam grauius) incidamus. Si quidem hæc postea ab inutilibus minimè necessariis artibus in hominum vitam sunt importata. Atque etiam perspicuum est, quisnam primus integrumentorum vñs fuerit, qui à Domino ipso, eo indigentibus est datus. Fecit enim illis, inquit, Deus tunicas pelliceas: ] quandoquidem ad ea in corpore contegenda, quæ aspectu ipso minus fuerant honestatis habitura, satis erat, etiam huiusmodi tunica-

*Gene.  
31.41.*

*Baf. reg.  
f. 13. d. 2.*

rum

vñus. Sed quoniam in vestimentis non hoc queritur tantummodo sed illud etiam præterea, vt videlicet per ea frigoris incômoda depellâti, necessariò ad vñam que rem accômodatus esse vestimentorū vñus debet, vt per ea scilicet, & corporis deformes partes obtegantur, & que ob cali inclemtam afferuntur, incommoda propulsentur. Iam quando in his quaque quædam sunt, quæ ad plures; quædam, quæ ad pauciores vñus aptantur: consentaneum videatur ea nobis pluris fieri oportere, quæ ad plures possint vñus accommodari, quo videlicet nihil quidquæ contra subseptum a nobis summae in viüta paupertatis institutum fiat. Neque alia ad forensem ostentationem, alia ad domesticum vñsum parta habeamus, atq; ex his ipsius item ad diurnum quædam, quædam ad nocturnum tēpus distributa: sed eiusmodi quædam nobis vestimenti exegitandum est genus, quo ad omnia commode uti possumus: vt videlicet co amicti, & diurna pariter honestati, & nocturnæ etiæ necessitati faciamus satis. Ex quo quidem illud contingit, & communem omnium nostrum inter nos in vestitu ornatum esē, & veluti insignem quædam ac peculiare in ex ipso amictuetiam homini Christiano impreciam notam. Quæ enim ad unum & eundem finem spēdant, illa vt plurimum inter se convenient. Hæcenus ille.] Qui & statim aliam pauperis & humilis habitus utilitatem detegit, quod ipso nos sanctæ conuertationis commonefacit, & à rebus nostro statu indiguis auerit. Aliqui tanquam suam in vestitu vanitatem tuerintur, quia si ex pretiosiori panno fiat, est multo diuiniorn, & minus pecunia in habitu, causa huius diuinitatis, insinuitur. Nam quo tempore duo habitus ex viliori panno consumuntur, vñus ex pretiosiori seruantur. Sed hi non aduentunt, primò pretiosioris panni ad viliorē non esē tantum diuinitatis excessum. Sed esto quidem ita sit, non sunt facienda mala vt veniant bona; nec decet pauperem religiosum, seu aulicum splendescere, vel, ut pinguisima Ecclesiæ canonicum, vestibus fulgere pretiosis. Familiâque religiosa parum quid in pretio duplicati habitus vult libenter expendere, modò filij sui quod sunt apparent & vestiti more pauperum & humilium incedant.

Vt tandem ipsa verba qua loqueris, te in spiritu paupertatis protueant, serua quod suprà ex Augustino & Beredicto notauimus, vt nihil tuum esse dicas, sed proprij nomen abiiciens, & communem appellationem vñspans, te nihil habere semper profitearis. Idque non parum virtutis paupertatis prodeſſe certum est, quandoquidem cum vestem non mean, sed nostram dico, aut eam, qua vtor, appello; me non dominū vestis, sed vñstuum agnoso: cognitionem autem hanc iteratam affectus sequitur, & paulatim se nihil habere lataetur. De hac autem re pulchris in hunc modum scripsit Hugo Victorinus. Non enim debemus aliquid habere proprium, aut quicquam dicere meum, sed nostrum: vt dicatur, nostra cappa, nostra tunica, nostra domus, & in ceteris similiter. Omnia enim in coram qui debemus habere: & omnia cōmuni nomine appellare. Sed in hoc pensandum est quæta differentia sit inter carnales fratres, & spirituales. Nam illi quidem, quod commune est eis, diuidūt: illi, quod diuīsum erat, in communione ponunt: ibi quisque quod suum est, querit: isti, non quæ sunt, querunt, sed quæ Iesu Christi. Plus ergo valeat ista propinquitas, quam illa: quia illa deficit, illa crescit: illa habet divisionem, ista unitatem: illa transit cum saeculo, ista permanet cum futuro. Ad hoc enim simul modò in ista domo vivimus, vt postmodum in coelesti regno maneamus. Filii Dei sumus ( ait A-

A postolus) sed nondum apparuit quid erimus. Scimus autem, quod cùm apparuerit, similes ejus erimus quoniam videbimus eum sicuti est. Et Paulus. Non habet us h̄c manentem ciuitatem, sed futuram inquinamus.] Ergo non debemus habere propria, sed sint nobis omnia communia. Partes sibi faciunt homines in hoc seculo. Alius argentum, & aurum: alij domos, & familias; alius nomen grande, potentiam, & gloriati milie hoc, alius aliud; diuersi diuerso modo. Pars vero pitorum est ipse Deus. Et nos si volumus habere talē partē, talē hereditatem, vt est Dominus: tales nos oportet exhibere, vt digni simus eum possidere, & possideri ab ipso. Ergo si volumus in hereditatem possidere Deum: nihil debemus habere extra Deum. Nam nimis est avarus, cui non sufficit Deus. Hæc ille.] Si haec quinque documenta seruaueris, non parum in virtute proficies.

Hæc ad subditos dicta sunt, sed efficacissimum documentum paupertati custodienda necessarium ad prælatos religionum spectat. Ut scilicet si volunt in cœnobio paupertatem vigere, & spiritum eius in vita religiosa seruare, subiectis suis de necessariis cum magna charitate & benignitate prouideant. Ministrant illis omnia, quæ opus habent, & corrigeant calcamenti, vñque ad filium sub tegminis, & cuncta siue ad viuum, siue ad vestitum, siue ad medicamenta, siue ad libros necessaria, vel quæcumque illa sint, præberet non desinat, & a secularibus aliquid petere seuerè prohibeant. Nam si illis necessaria non dentur, necesse erit, vt facultas petendi a secularibus & cognatis, concedatur, ex quo non minima incommoda prouenient. Occasione enim, ea quæ sibi sunt opus, conquiri: ndi, per domos cognitorum & amicorum discurrent, & minus seruant secreti, & silentij, ac secessionis a mundo celaram. Negotiis eorum, à quibus temporalia pertunt, implicantur, nec profundunt, sed excusare, ne subsidio consueto priuentur. Sepe coguntur de castino cogitare, & non tantum ad quæ Domini sunt ( quod animabus religiosis Christi sponsis, ut magnum privilegium concessum est) sed etiam ad ea, quæ sunt mundi, frequenter attendere. Cum necessaria superflua quoque pertunt, & ne in posterum illis aliiquid desit, multa, quæ pauperes non decent, & in praesenti non sunt necessaria, recondunt. Nec in familia religiosa proportionalis æqualitas seruatur, nec ille plus habet, qui plus indigeret, sed quipus cōsanguineos, aut ditiores habet, aut qui distractior est, & plures sibi amicos adsciscit. Itaque suo modo, quod ait Paulus: Vnus quidem esuit, alius autem ebrius est, hoc est, vñus superfluis abundat, alius vero alget, & erubescit, nec habet, vbi caput reclinet. Inrediturque ad fratres quædam modus seruitutis satis pudendus, vt vñus alteri seruari, & in ferendis suffragiis, atque in aliis se alteri accommodet, vt quod huic superfluerit, ab ipso recipiat. His malis adeo spiritui paupertatis & reformatiōis religionis contrariis obſistere debet prouidentia, & zelus prælatorum, vt vitam religiosam illibatam custodirent. Eorumque omnium vnicum medium est, (quod in nostra minima societate videamus seruari, & in religionibus monachalibus prudenter fit) vt vnicuique ad viuum, ad vestitum, ad studium, ad iter, & ad reliqua, necessaria ministretur, & occasiones discurrenti, & domo egrediendi, & petendi a secularibus, omnibus precludantur. Sic enim, & ipsi religiosi superflua non habebunt, necessaria rebus in communione omnibus administratis contenti, & curis temporalium expediti, Deo & sibi vacabunt, & maiori cum libertate ad animarum ministeria procedent, & recessu in vñis carpentis, &

*Heb. 13.  
14.*

*Corint.  
11. 12. 1.*

sacramentis administrandis, se gerent.

Huic sancta Paupertatis prouehende remedio quatuor obstat solent. Primum est religiosorum multitudo, ad quorum sustentationem nec consuetate eleemosynae, nec redditus conobij sufficiunt. Huic incommmodo nisum est mederi consilium Tridentinum, ita statuens: In predictis autem monasteriis, & domibus, tam virorum quam mulierum, bona immobilia possidentibus, is tantum numerus constitutus, ac in posterum conseruetur qui vel ex redditibus propriis monasteriorum, vel ex consuetis eleemosynis commode possit sustentari. Quod decretum si in religionibus seruaretur, magis in eis disciplina religiosa vigeret. Perfectio (vt experientia docet) plurimorum actus non est, licet omnes ad eam vocentur. Non ergo tam facilè effent homines in religionem admittendi, sed cum diligenti examine, & illi qui à Deo, & non à sua levitate, aut ignorantia, verè vocati viderentur, & spem vitæ spiritualis ac perfectioris præberent. Quod si fieret, forsitan redditus cuiuscumque cœnobij ad suos alendos sati essent.

Secundum obstatulum est, domos ædificandi desiderium, & ampliandi, prælatos solicitans: cui ut satisfaciant, subditis necessaria denegant. Sed nemo est qui non videat hunc dolum esse diaboli, enimenti ut minora maioribus præponatur, & levia incômoda grauissimis malis cureretur. Leue enim incômodum est, si domus non sit plenè ædificata; magnum vero malum si paupertas non vigeat, & charitas, ac paterna prouidècia, ædificiorum occasione deficiat. Primo loco fratres sustententur, & secundo domus extrahentur. Extranunt autem domus pauperum, non palatia imperatorum. Religiosè enim admodum scripsit Hugo: Ædificia fratrum non superflua sint, sed humilita, non voluptuosa, sed honesta. Vtis est lapis in instruenda: sed quid prodest in lapide cælatura? Vile hoc fuit in constructione templi: erat enim forma significationis, & exempli: legatur Genesis in libro: non in pariete. Vellitur Euia in pariete, pauper autem iuxta parietem nudus accubat; Datur Ada tunica pellicea, fratrum autem multitudo coarctatur hyemali molesta. Hæc ille. Ædificia religiosorum sint fortia, sint capacia, sint officiis necessariis, & cellulis instructa, curiositates vero in ædificiis, & superfluos sumptus, non fundatores religionum præcepunt, immo abominati sunt: sed astus diaboli, & vanitas, & sacerularitas importunant. Dum autem modus in ædificiis teneretur, multis modis spiritus paupertatis seruatur. Quia & pauperes Christi sic non quasi in palatiis regum, sed in domiciliis suo statui accommodati habitant, & animos pauperum dignos, scilicet humiles & modestos, seruant, & que in curiositate ædificiis superfluerent, habitationes sustentant, ne occasionem habeant diuagandi, & mentem curis terrenis occupandi, & superflua sub necessitatibus praetextu conquirendi.

Tertium obstatulum est nimia cura, quam aliqui prælati collocant in factis templi vasis, & ornamenti, ac aliis paramentis emendis. Non aduentunt isti congruam sustentationem subditorum præceptam esse: haec autem pretiosissima ornamenta, esse sub cōfilio reliqua, nec licere pro operibus supererogationis præcepta relinqueret, & ab his, quæ sunt magis necessaria, deuiri. Certe deorum templis, ac delubris, Laetantius Firmianus hoc scripsit: Horum pulchritudo ac mitor, præstringit oculos, nec ullam religionem putant vbi cumque illa non fulserit. Itaque sub obtentis Deorum auraria & cupiditas colitur. Creditur enim deos amare quicquid ipsi concupiscunt.

Concil.  
Trid. sej.  
25. c. 3.  
de regulis

Hugo lib.  
2. de clau  
ſtr.

Laetan.  
lib. 2. c. 6.

A quicquid est; propter quod furta & homicidia, & latrocinia quotidie faciunt, propter quod bella per totum orbem populos vrbicique subvertunt. Conferant ergo diis manubias, & rapinas suas, quos certe necesse est imbecillos esse, ac summa virtutis expertes, si subiecti sunt cupiditatibus. Cur enim cœlestes eos puremus si desiderant aliquid è terra vel beatos, si aliqua re indigent vel incorruptos, si voluptrati habent ea, in quibus appetendis cupiditas hominum non immitterò damnatur. Veniūt igitur ad deos non tam religionis gratia, quæ nulla potest esse in rebus male partis, & corruptibilibus, quam ut aurum oculis hauriant, mitorem lauigati marmoris, aut eboris aspiciant, vt insignes lapillis & coloribus vestes, vel distincta gemmis fulgētibus pocula insaciabilis contemplatione contractent: & quanto fuerint ornatoria templo, & pulchriora simulachra, tanto plus maiestatis habent creduntur. Adeo religio deorum nihil aliud est, quam quod cupiditas humana miratur. Sic Laetantius sed, ad quod propositum? Numquid in templis veri & summi Dei ornatum reprehendimus, aut aurum & argenteum, & lapides pretiosos damnamus? Absit à nobis tale hereticorum & phanaticorum hominum delirium. Sed vita, hominum minus res considerantur notamus, & ad id quod sine dubio est Deo gratias, impellimus. Fulgeant sacra templo auro & diutinis. Fulgeant omnino, immo scrica, & aurea, & pretiosa, mihi nisi in templo non placent, & ea in secula existimauit, cum homunculus & mulerulas ornant, & corpora in vermes & factorem conuertenda, circumdant. At ita fulgeant templo, vt pauperes Christi non algeant, vt serui Dei non esulant, & sitiunt, vt occasione ornatus templi cupiditas hostes cupiditatis non vinctat. Quod si tu putas cum iactura iustitia & cum danno paupertatis ornamenta templi esse querenda, toto celo erras, & à Domini voluntate, qui in templo colitur, manifeste discedis. Quin & existimo, Deum, qui summum à nobis colendum est, non in omnibus locis eundem ornatum sui cultus causa admissum exigere. Cathedrales Ecclesiæ fulgeant, & splendeat, vt matres aliarum Ecclesiæ in quaque prouincia. At religiosorum Ecclesiæ fulgeant, & splendeant vt filia. Non, inquam, matres in omnibus æmulentur, nec velint esse ornata, & diutius pares, siquidem totus ordo Ecclesiasticus voluit eas esse impares, & minores. Illæ Episcoporum, & canonicorum ditissimorum sunt; fulgeant vt sponsa diuitum. Istæ religiosis pauperibus commendata sunt, fulgeant vt tabernacula mendicorum. Aut si volunt se in ornatu matribus Ecclesiæ æquare, quod non prohibeo, si absque importunitate & distractiōne religiosorum à diuitibus religioni bene affectis priuila ad cultum Dei, & non ad alios vltus sponte tribuantur; non tamen hoc cupiditas se colore conteget, & vanitas prælatorum velenum his rebus sui memoriam relinquent, & nomen inter suos obtinere; ac paupertatis iactura se velamine diuini cultus operiat. Templo Christi, viua scilicet religiosorum corpora, prius reficiantur, & vestiantur, & postea templo seruatis modestius limitibus exornentur.

Quartum denique obstatulum est quotundam prælatorum ingenium durum, & amisericors, qui cum ipsis robusti sint, & in miseria cum in fæculo vinerent educati, omnes sua dunitate metuntur, & nesciunt infirmis compati, nec delicatorum misericordi. His nihil aliud dicimus, nisi vt prælatos esse discant, & se patres aliorum esse cognoscant, & diuina iudicia formident, nam solet Deus dnis duros prælatos mittere, qui eostempore senectutis, & necessitatis

Bonu.  
de sexalii  
Seraph.  
c.

immisericorditer tractent, & in suis agitudinibus tribulent. Audiant quid dicat Bonaventura: Bonus autem praefatus agnoscit se fratrum suorum patrem, non Dominum: & exhibet se eis medicum, non tyrannum: nec reputat eos ut iumenta sua, vel seruos emptionis, sed ut filios hareditatis supernae consores: & facit eis, sicut veller libi fieri, si similiter indigeret. Sed fortis, & fani non sentiunt, quod sentit ager, ideo nesciunt ei comparari, scient autem postea, cum dolebunt. Sic ille. Et haec dicta sunt non ut prelatos ad laxitatem incitemus, quam sane maximo odio prosequimur, sed ut ad misericordiam, & pietatem, & paupertatis amorem moveamus. Quæ sine dubio in religione tunc viger, cum singulis necessaria ministrantur, ex quibus possint ipsi, aliquid sponte detrahere, & gratissimum Deo mortificationis sacrificium offerre.

### De Paupertate sectanda.

#### CAPUT XV.

**R**AVERTAS hæc in superioribus à nobis utrumque depicta, & oculis virorum iustiorum proposita, fructus est vnu ex tribus præcipuis, quos pinguis, & fru-  
giter hortu nostru status profert; gemma est vna ex tribus pulchrioribus & pretiosioribus, quibus vene-  
rabilis religio mater nostra dilectissimas filias suas iustiorum religiosorum animas ditar, & ornat; via est vna ex tribus amerioribus & securioribus, quas ani-  
mæ ipsa conficiunt, ut ad caducis ad eterna, à visibili-  
bus ad inuisibilium: à terrenis ad cœlestia condescendat. Paupertate, à curis & molestiis saeculi liberamur, ut possumus in curâ salutis spiritualis incumbere. Pauper-  
tate, aduersus diaboli insidias munimur, & la-  
queos diuitiarum ac fonearum terrenarum vale-  
mus effugere. Paupertate, superbiam status nostri pe-  
stem eludimus, & facile est nobis tamquam acci-  
dit, & expeditis, ad perfectionis fastigium properare. Quid nos diuitibus huius saeculi venerabiles, &  
dæmonibus formidabiles facit? Nonne Paupertas? Quid religiosos omnium rerum dominos facit, & vt nihil habentes omnia possideant? Nonne Paupertas? Quid Deū potentissime & efficacissime aduo-  
cat ut speciali prouidentia illorum curam habeat,  
ipsiusque prouideat? Nonne sponte susceptra & voto  
firmata paupertas? Hæc nos reficit atque sustentat,  
& quicunque ingrediamur, non importunis vocibus & superbis, sed Dei instinctibus clamat, ut cultoribus suis necessaria præbeantur. Hæc nos fouet &  
ornat, ac insignia seruorum Dei, vestimenta scilicet Deo dicata, & fidelibus grata, ministrat. Hæc nobis domos amplias & spaciolas preparat, & ubique ter-  
ratum tamquam ciues nobilissimos sati commodo  
hospitio excipit, & hinc emigantes sedibus colesti-  
bus infert. Paupertate dilectissimus, & quo verius sa-  
eculi facultates contemnimus, eo ditiores & abundan-  
tiores à saecularibus astimamur. Paupertate prote-  
gimur, nemōque est, qui à nobis per iniuriam au-  
ferat, quod liberant abieciimus, & ab habitaculis no-  
stris explosimus. Paupertate, more nobilium summo  
regi Deo magna dñe quæstus præstamus, quia ei non  
tantum quod possidebamus, sed quidquid mundus  
haber, offerimus. Sacrificiorum nobilissimum est  
holocaustum, quo totum animal in diuinum hono-  
rem incenditur, & abdicatione omnium rerum quasi  
totus iustus domino confeatur. Si pro Christo, quia  
persecutor non instat, minime sanguinem fundit, at

A facultates, quibus sanguis ipsæ augetur, & que non minus quam sanguis solēt diligi, in usum pauperum confert. Pauper liber est, quia diuitiarum compedes, & vincula fregit; tranquillus est, quia solicitudinum & perturbationum materiam depositus; ingenuus & nobilis est, quia se Deo familiaritate, & Christo filio eius ac sanctis omnibus se imitatione coniunxit.

Ascendamus ergo gradus huius scalæ cœlestis, per quam Angelii ad nos iuuandos descendunt, & angelii id est, viri spirituales, atque perfecti in cœlum ascendunt. Ne nos perterrefaciat angustia eius, quia licet primo aspectu arcta & angusta videatur, tamen post paululum magnam latitudine habet, & in spacia amplissima & latissima definit. Terret nos terrena descerere? Anmet nos cœlestia conquiretere. Retrahit nos nuditatem sentire? impellat diuinam protectionem & amabilissimam patris nostri, qui in cœlis est, prouidentiam experiri. Auocat mundo mortis instigare, Deo sine sollicitudine viuere, & regnum cœlestis, quod opum dimissione mercamur, comparare. Qui nondum ausus est sua vota relinquare, & posse fideli libertatem abiicere, audeat, quia illud facinus aggreditur sanè egregiū, & æterna memoria dignū, ad quod Deum ipsum habet adiutorem. Qui opus hoc fecit, & voto se paupertatis obstinaxi, sciat se verbis oris sui ligatum esse, verba sua implet, & nihil proprium possidens, & promissis flans, se virum fidelis & strenuum ostendat. Superflua alacriter referat, quoniam noxios & pestilentes humores agitudinem animæ afferentes excludet. Necessariis immoderatè non hæreat, ne qui cor Deo mundum & intaminatum seruare debet, foribus illud affectionum terrenarum inficiat. Discat, indigentiam, & penuriam rerum corruptibilem sustinere, ut è thefauro miserationis diuinæ abundantiam supernarum consolationum deppromat. Si corpore infirmo, & imbecilli necessaria defuerint, pro certo sciat, diuinam benicitatem non defuturam, quæ rebus communibus pretiosiora suppleat, & sine magnis sumptibus à paupere postulatis, si opus fuerit, lanitatem faltemque restituat. Ac tandem se quantum potuerit terrenis exuat, ut Deus illum tranquillitate vestiat, & sanctitatis muneribus induat. Qui huiusmodi fuerit, non dubitet mercedem paratæ esse operi suo. Nam pro quatuor obolis perituri, non alios similes cum usura illicitè acceptos, sed thesaurum incomparabilem in celo percipier, quo ita auctum ac multiplicatum se sentier, ut nec stilla huius thesauri pro toto mundo perdidisse voluerit. Pro nonnulla indignitate, quæ in oculis insipientium paupertatem comitatur, judicariam potestatem, & fedem cum Christo æterno iudice ad mūdum iudicandum obtinebit. Ibique stulti evidenter aspiciunt quanta sit dignitas paupertatis, quam Deus facit semen ranta potestatis, & gloria. Tandem ea quæ pro Domini amore deferunt, centuplicata illi restituentur, & nihil inuenient à se relictum, quod non à curis & molestiis liberum, & in immensum multiplicatum repetiat: nam omnia creati illi ad bonum seruient, & in illa vita cœlesti, quam nulla mors obnubilat, in æternum gaudebit. Eia igitur facti status ac religiosi professor, castissimam paupertatem in spōsam assume, cuius gratia claritatem habebis ad turbas, & inter nobiles, id est, inter spirituales viros, non in infimo loco sedebis. Dilige illa, quæ multorum ac magnorum honorum origo est, ex qua incorruptus manens pulcherrimos liberos sanctorum operum procreabis, ex quorum educatione nullam molestiam, sed molestiarū leuamen accipies. Hæc est, ut Nazianzenus ait, virtutum omnium commodatissimum instrumentum, quam

cum